

黃氏逸書考



黃氏通考



通緯

逸書考

春秋保乾圖

甘泉黃奭學

天子至尊也神精與天地通血氣含五帝精

御覽皇王部一

古微書至化之

注人受天地氣而生故神精與天地通

御覽

同上

天愛之子之也

御覽同上

古微書

陽起於一天帝爲北辰氣成於三以立五神

三五展轉機以動故三百歲斗厯改憲也

續漢

民國甲戌春火杲乞圖

一二江都朱氏

書律麻志後漢書郎顗傳注宋書麻志
文選策秀才文注周禮正義引三百季斗麻
改憲古微書清河郡本引同上宋書麻志

宋均注三陽而陽備備則宜改憲憲法也

文選注同上清河郡本化氣運絕更始也

李大瑛曰數始於一而三之三三積之
麻十二辰之數十有七萬七千一百四
十七而五數備此言起數之大略也而
其歲實消長之數不得以是槩之故術
家育以七術考古今交會信無其驗者

皆出斗分疎之所數蓋古以斗分步平
朔而盈縮遲疾俱無所以漢以庸之冬
望非實測先後天或至二三日晉劉智
推三百季斗術改憲以爲四分法三百
季減一日以百五十爲度法三十七爲
斗分杜預箸春炁長術謂天行不一宜
改憲以從乃作乾度術其術合日行四
分數而微增月術用三百季改憲之意
以較古術日蝕微勝然而四分之法三

百季改憲之說非通論也據太衍術中
氣議所云韓翊楊偉劉智等皆稍損益
更造新法皆依緯三百歲改憲之文考
經之合朔多中較傳之南至則否蓋傳
所據者周法也緯所據者殷法也氣合
于傳朔合于緯斯得之矣又命術叙以
爲孔子修春秋用殷法使其數可傳于
後考其蝕朔不與殷法合及開元十二
年朔癸丑日庚氣筮八日庚上不合于

經下不足以傳于後此乃哀平間治甲寅元術託之非古也

斗節運衡

文選東京賦注

王者三百季一蠲法

後漢書陳寵傳

晉書北史崔仲方

傳

按陳寵傳載鉤校律令條法溢於甫刑者除之引保乾圖三百季一蠲法時漢興三百二季寵所鉤校未及施行後陽嘉二季郎顗又云漢興以來三百三十

九歲於詩三基高祖起亥仲二季今在
戌仲十季來季入季文帝改法除肉荆
之臯至今適三百載宜因斯際大蠲法
令又引孔子曰漢三百載計厯改憲三
百四歲爲一德五德千五百二十歲五
行更用王者隨天譬猶自春徂夏改青
服絳者也自文帝省荆適三百季而輕
微之禁漸已殷積王者之法譬猶江河
當使易避而難犯也今季仲竟來季入

季仲終季始厯運變改故可改元所以
順天道也漢儒深於祕緯通於政體蓋
如此

五運七變各以類驚

文選魏都賦注

宋衷注五運五行用事之運也

同上又贈劉琨詩注

楊應階曰七變者陽變於七以三成五行用事本於陽變陰合也各以類者馬融云物類相招勢數相生其變育常是也驚字疑譌

天皇於是斟元陳樞以立易威

後漢書李固傳注 路史

天皇紀注

古微書

宋均注威則也法也天皇斟元氣陳劉樞

機之行以改立先法

同上 後漢書注之

得也又路史注法也二字他言字 古微書天皇他言斟下胥酌字法下胥也字

女媧氏命娥陵氏制都梁管以一天下之音

命聖氏爲班管以合日月星辰名曰充樂又

令隨佗笙簧

古微書

五帝異緒

文選四子講德論注任昉答七夕詩啟注

宋衷注緒業也

講德論注

唯天子娶十二女

公羊成十解詁

禮檀弓注引天

子癸十二五字

按檀弓注以此爲夏制徐疏則云孔子

爲後王非古禮也按鄭君歷引唐虞商

周太后之制斷此爲夏制從鄭爲正

日以圓照月以虧全

文選吳都賦注

宋均注全十五日時也

全上

利害同門吉凶同域

文選王仲宣誄注

得士則安失士則危

文選解嘲注本得士上空六字

清河郡

神明之應疾於倍風吹鴻毛

文選聖主得賢臣頌注

安於泰山與日月合符

文選諫吳王書注

移河為界在齊呂填闕八流以自廣

尚書禹貢正義

余正釋水正義

玉溝河渠門

古微書

注言齊桓公塞九河之八以自廣其地

王

全上

古微書作齊桓拓境塞其八枝並使歸徒駭一河也

按左氏僖四正義引中候云齊桓霸遏

八流以自廣

楊應階曰河徙於周定王五年己未爲
魯宣公七年蓋下流壅塞上流乃沒河
患之烈旣始齊桓宋儒以齊禁曲防河
非桓塞噫葵丘申禁要約諸侯內寵匹
嫡躬自犯之奚有於河齊藥又以禹至
齊桓千五百餘年支流漸絕經流獨行
其勢使然非由於塞詎知河水挾沙久
則沈淤河流可塞也匪有塞之曷從而
絕嗚呼八流未塞大溜東下足衰其勢

厯千五百無河決患一塞於桓數十季
間河患遂起至今爲梗何愛於桓曲脫
其臯咎鄭君康成齊人也注書九河據
保乾圖中候文云齊桓塞之同爲一河
孔正義以爲塞其八枝並歸徒駭徒駭
九之一也其八爲太史馬頰覆釜胡蘇
簡潔鉤盤鬲津載在尔疋而曾彥和乃
以先儒分簡潔二河爲非謂其一不名
者河之經流蔡傳顯背師說

朱子孟子集注从尔

正喜新從曾慎矣林少穎謂河播爲九
其勢均也安得以一爲經滾入爲支派
胡氏雖指從正義徒駭河本道東出分
八枝援漢志河亾八枝以曾林說皆譌
竊謂曾謬不待闢林說獨得之考漢志
許商云徒駭最北左氏正義云徒駭最
蜀蓋徒駭在齊蜀北極界其八皆在徒
駭東南過以廣地猶藉蜀至於河以飾
說也故緯云移河爲界漢志河亾八支

下云其一存者卽是徒駭明以徒駭爲
河流之一正義乃胥河本道之說緣是
經流不名騁其私說矣其九河故地鄭
云今河間弓高以東至平原鬲津津往
胥其遺處漢志載許商說徒駭最北鬲
津最南自鬲以北至徒駭三百餘里今
河雖數移徙不出此域說與鄭合後人
必確指其處取證單詞或竝無依據附
會求合又失之矣

光闔害蠶食天下

文選上秦王書注

黑帝治八百歲運極而授木蒼帝七百二十歲而授火

文選漢高功臣頌注

楊應階曰殷黑帝之子周蒼帝之子八字譌當作六水成數六也二七爲木數故云七百二十歲

漢之一師爲張良生韓之陂漢以興

文選運命論注

建天子於郛之陽名曰行皇

續漢書祭祀志清河郡本建

天子於郛於陌陽曰行皇

民國甲戌

春火杲訖圖

八江都朱氏